

LA

CIN AÑA

AILEEN CROES, cantante mas popular pa aña 1989

E aña aki el a haya e premio pa cantante mas popular y sigur sigur el a merece e premio aunke cu por bisa cu e ta tambe un cantante di aña ya cu el a destaca durante henter 1989.

For di comienzo di aña caba por a tende su voznan rezona na emisoranan y den publico cu e cancion masha bunita mes cu el a logra gana festival "Un canto pa Aruba" esta e cancion "Aruba Noble Patria". Ta spera cu den 1990 su voz bunita sigui rezona y cu e lo bini cu mas grabacionnan.

Di parti di Aileen Croes DIARIO FARANDULA a ricibi un carta masha bunita mes cu e desea di dirigi na su pueblo. E carta ta bisa como lo siguiente: "Na promer lugar mi kier a gradici e prestigioso corant DIARIO pa e espacio concedi na mi, a sina cu mi por a dirigi mi mes na mi estimado pueblo di Aruba, pa asina mi por a desea tur nos hendenan, cada un den nan dushi hogar un "Feliz Aña 1990" yen di dicha, felicidad, amor y alegria y cu paz reina den cada un di nos hogar y asina tur nos deseonan, di chikito te grandi worde cumpli y esey "Aruba" ta mi ferviente deseo pa bo.

Cu nos bon Tata manda su ben-



dicion y guia nos den bon caminda y duna nos e bon boluntad pa sigui lucha pa progreso y hiba nos dushi Aruba semper padilanti.

Mi kier a desea prensa en general, tur radioemisoranan, tur d.j. na Aruba un Feliz Aña 1990, yen di prosperidad y hopi forza den e trabao tan dificil.

Mi mensahe pa Aña '90 ta Laga nos uni y asina nos por logra pas den tur aspecto.

Mi gradicimento especial ta bay awe na e pueblo di Aruba cu a dunami e honor di a bira e cantante y artista mas popular pa aña 1989. Esey ta un estimulo grandi pa mi y mi ta priminti cu den e aña venidero lo mi sigui traha y compone mas cancionnan di nos propio cultura y cu poder di Dios cumpli cu mi plannan di hiba Aruba su nomber hopi mas leu.

Cu "Santa Cecilia" patrona di tur musiconan, proteha y conserva nos don musical. na tur musiconan, cantantenan, mi coleganan, tur mi fans y tur mi familia...un fuerte abrazo pa nos habri un aña 1990 yen di felicidad y harmonia, ta sincero deseo di boso amiga, Aileen Croes y familia".

E banda di decada; Musical Time

Dia 4 di April 1980 el a worde forma. Hopi tabata e comentarionan ariba su nomber, pero a demostra cu berdaderamente e tabata tin su nificacion. El a sali pa promer biaha den e legendario "Scorpio's Disco", y ya for di e anochi inaugural aki, por a sinti cu e banda aki tabata tin algo mas cu lo normal. Nan ritmo, nan estilo y nan repertorio tabata den un solo palabra "unico". E aceptacion di e publico tambe a resulta den uno total. Ta papia aki di nada menos cu e banda Musical Time, e banda di decada.

"Time" a keda forma cu un saxofon, toca pa Eric Arrindell, ariba trompet Franky Arrindell, bajista Reno Steba, drummer Francis Oduer, guitarra Tony Hoevertz, organiza Elgin Juddan y como cantantenan Olivia Murray, Jane Koolman y Jack Tromp.

Segun afluhan a transcuri e banda a haya un nomber mas "Musical Time". Esaki tabata pa comproba un biaha mas e aclamacion popular. E evolucion di e grupo musical aki tabata un di esnan mas grandi den e historia farandulero di Aruba. Den transcurso di afluhan

tambe a figura den Time personanan conoci manera Edwin Abath, Claudius Phillips, Franklin Granadillo, Echi Odor (q.e.p.d.) y otro.

Musical Time a logra hazafluhan impresionante manera na aña 1981 un gira exitoso pa Hulanda. Musical Time a compaña Calypso King ganador pa 4 aña consecutivo. Musical Time tabata e prome banda pa bay Miami den Calle 8, y a bishita Sint Maarten 5 biaha y a worde escohe pa 5 biaha banda di aña.

E logro grandi tabata na 1983 ora cu Musical Time tur su cantantenan ta clasifica pa OTI Festival Antiyas na unda Claudius Phillips ta representa nan finalmente na Washington cu e cancion dedica na e fallecido integrante di Musical Time, Alexander "Echi" Odor, titula "En cada nota cantara tu voz".

Den e nueve afluhan aki Musical Time a produci 6 lp, di cual varios a worde premia, varios disco 45 y innumerable grabacionnan ariba tape.

Awendia Musical Time ta consisti di Herman Stephens na keyboards, Harry Rodriguez na percussion, Toribio Briezen per-

cussion, Leopoldo Rodriguez na percussion, Long Roy Illis vocal/drum, Inky Richardson vocal, Didi Wernet vocal, Humphrey Hewitt na tropet, Edgar Ras na Trompet, John Ras na trombone, Bibi Gibbs na Trombone, Elgin Juddan a keyboards y director, Victor Pina tecnico di sonido, Richard Holmond drum, Fang Ras bas/guitar, Hildward Croes na keyboards/supervisor musical y Buchi Wouters como manager.

Pa loque ta trata premionan cu Musical Time a logra haya ta entre otro como banda di aña na 84, 85, 86, 87, 88 Premio Motito Rufo Wever, na Voz di Aruba/Canal 90, Premio Bashul. Tambe como areglista di aña na 83, 84, 85, 86, 87 y 88. Ganador di Calypso King na 83, 84, 85 y 86, Ganador di Roadmarch king na 88, Ganador Tey di Tumba na 84 y 85 y 88. Ganador di Festival di Merengue na aña 1986.

Pa loque ta e aña aki Musical Time a ricibi e premio pa banda di aña di Aplauso '89, longplay di aña pa Premio Mo Tito y Rufo Wever, cual premio nan ta ricibi pa 3 aña consecutivo y pa Premio Popular Aruba, pa cancion di aña Vampiro, y pa lp.

Tambe nan cantante Tatoo a sali como cantante mas popular y cantante di aña pa Aplauso '89 y Premio Popular Aruba.

Grabacionnan realiza di nan lp ta entre otro na 87 nan a logra e promer lugar ariba hitparade di Aruba cu "Loco Zumbie" y "Keda so" pa 6 siman consecutivo no. 1. Keda so tabata no. 1 ariba Top 100. Dos pasos a logra no. 1 ariba top 100 na 88 y e aña aki Time tin 2 grabacion ariba Top 100 esta Vampiro y Get out me Yard.

Na Curacao tabatin 4 composicion di Musical Time cu a yega no. 1 cualnan ta Saco Bashi di Inky, Keda So di CHicho Kock, Loco Zumbie y Choke di D.j's di Long Roy y actualmente ta rezonando e cancionnan di e lp recien Vampiro, Zoek bao palo y Get out me Yard.

Otro aña Musical Time lo cumpli 10 aña y tin plannan grandi pa celebra esaki hunto cu e pueblo.

Di parti di DIARIO FARANDULA, manera ta su deseo di semper pa tur e bandanan di Aruba, ta spera cu nan "lo sigui cu e mes estimulo di e aña aki y pa otro aña brinda mas di loque nan por ofrece.